

刘志惠 整理

曹纪泽日记

第四册

中国近代人物日记丛书

中华书局

014035167

K827
2086
V4

志惠
整理

曾纪泽日记

第四册

中国近代人物日记丛书



中华书局



北航

C1715373

K827
2086
V4

目 录

光绪十一年 1463

正 月 1463

二 月 1471

三 月 1478

四 月 1485

五 月 1493

六 月 1501

七 月 1509

八 月 1515

九 月 1520

十 月 1527

十一月 1534

十二月 1542

光绪十二年 1550

正 月 1550

二 月 1557

三 月 1565

四 月 1572

五 月 1582

六 月 1589

七 月 1596

八 月 1605

九 月 1612

十 月 1617

十一月 1623

十二月 1631

光绪十三年 1639

正 月 1639

二 月 1648

三 月 1655

四 月 1664

闰四月 1672

五 月 1681

六 月 1689

七 月 1696

八 月 1704

九 月 1713

十 月 1719

十一月 1728

十二月 1736

光绪十四年	1745	二 月	1857
正 月	1745	三 月	1867
二 月	1753	四 月	1875
三 月	1762	五 月	1885
四 月	1771	六 月	1894
五 月	1780	七 月	1900
六 月	1788	八 月	1907
七 月	1797	九 月	1916
八 月	1805	十 月	1924
九 月	1814	十一月	1930
十 月	1823	十二月	1938
十一月	1832	光绪十六年	1948
十二月	1840	正 月	1948
光绪十五年	1849	二 月	1956
正 月	1849	闰二月	1965

光绪十一年

正 月

光绪十一年岁在乙酉元日 阴雨

辰正一刻起，茶食后，更衣，试笔。查盛杏荪来电，讲英国小说与铎儿听之。午正公服向阙，率僚属行礼，叩贺元旦。僚属、僮从皆来贺。祀先人后，与家人相庆。金登干、赫政来贺，久谈。内人率儿女在余室久坐，画格一纸。饭后，与家人为筹猎之戏，陈兆艺、李鼎新来，一谈。写册叶，入上房一坐。茶食后，静坐片刻，清臣来一谈。酉正陪僚属饮宴，肄业生徒陈、李二人同坐。戊初三刻席散，热甚，更衣。盥濯后，写册叶，入上房久坐。子初一刻睡。

初二日 雨

辰正起，茶食后，阅《申报》，写册叶，抚视铎儿。清臣来一谈。饭后，讲小说，写册叶。查杨石泉来电，编电致总署，入上房一坐。茶食后，至湘浦室一谈，将所致总署电改致盛杏荪。内人率儿女来久谈。东电局总办歆德来久谈。饭后，至湘浦室一坐，写册叶。两日所写册叶为真草《百家姓》全分。盥濯后，写零字，入上房久坐。子初一刻睡。

初三日 雨，午刻止，仍阴

辰正起，茶食后，写册叶，看《稗海纪游》伪郑逸事。至清臣室一

谈，旗昌洋行总办曼士顿来久谈。查张香涛来电，甚长，编长电答之。饭后在上房一坐，未正二刻，偕内人率儿女步行至清臣夫人宅出行，坐谈片刻。归，在客厅一坐，写册叶，入上房一坐。茶食后，至智卿、商农、湘浦室各一谈，写册叶。饭后，讲小说甚久。盥濯后写册叶，本日册叶为真草《百家姓》第二通。入上房久坐，子正睡。

初四日 晴，下午微阴

辰正三刻起，查译署来电。茶食后，折纸良久，画格二纸。午初，更公服向阙行礼，拜发谢恩摺，抚视锡儿。清臣来谈极久。饭后，画格二纸，步行游市肆。归，看小说，入上房一坐。茶食后，为筹猎之戏，核从官所钞电报。饭后观儿辈嬉戏，削足胝。盥濯后，写零字甚久，入上房久坐，子正睡。

初五日 晴阴半

辰正一刻起，茶食后，画格一纸，将前年所写智卿之册叶盖用图章。清臣来谈甚久。批领字，入上房一坐，饭后复坐良久，步游市肆。归，与内人一谈，核译文，入上房一坐。茶食后，跋宋拓《九成宫》，阅张金圻《如是观园记》，写零字。饭后讲小说，盥濯后，核公文一件，甚长。入上房久坐，为筹猎之戏。子正睡。

初六日 阴

辰正三刻起，茶食后，写零字，核公文，清臣来谈甚久。饭后，阅海南人之歿于英国医院者所馥囊篋零物，步游市肆。归，写册叶，入上房一坐。茶食后，批咨稿大意以示湘浦，甚长，即为海南人之事也。写册叶。饭后讲小说，盥濯后，写册叶。至清臣室久谈，入上房久坐。子正睡。

初七日 晴

已初起，查张香涛来电。茶食后，栉沐，写册叶，至清臣室一谈。

饭后,编电答香涛,清臣来一谈,携锡儿游蜡人馆。归,清检案头,批公文大意,嘱湘浦拟批稿,核函稿二件,入上房一坐。茶食后,写册叶,阅《书画谱》。饭后,讲小说,翻阅《斯文精萃》、《经史百家杂钞》、《庄子》、《淮南子》,将择一段以书册叶也。入上房久坐,子正睡。

初八日 雨

辰初三刻起,茶食后,写册叶,查译署来电,抚视锡儿。饭后,在上房一坐,医士马克勒衣来诊璇、珣两女,陪谈片刻。写册叶,入上房一坐。茶食后,写册叶,入上房一坐。饭后,讲小说,盥濯后,写册叶。至智卿、商农室各一谈,入上房久坐。子正睡。

初九日 晴阴半

巳初起,茶食后,写册叶。清臣来一谈。饭后,编电寄译署,步游市肆。乘街车至日本村,游观甚久。归,写册叶,入上房一坐。茶食后,核公文二件,写册叶。饭后,查译署来电,讲小说。盥濯后,写册叶,入上房久坐。子正睡。

初十日 晴

巳初起,茶食后,阅文报局寄来函牍、《申报》,写册叶。清臣来谈甚久。饭后,步游市肆。归,写册叶,入上房一坐。茶食后,写册叶,初六日至本日,所写册叶为四体书百廿幅,分为第十五分、第十六分两册,每册六十□幅。清检案头。饭后,讲小说甚久,批识所写册叶,有不忆出处者,翻查书籍极久,盥濯后复翻乃得之。入上房一坐,子正睡。

十一日 雨,午刻止,微见日

巳初起,茶食后,查香涛来电,批识所写册叶,以洋码记其次第。至清臣室久谈,编电答香涛,写册叶。饭后,在上房一坐,步游市肆。归,至上房久坐。茶食后,至客厅,陪柏尔斯太太一谈,女儿同坐。

写册叶。饭后,在上房久坐。盥濯后,写册叶。亥正二刻,偕霭堂赴土耳其公使茶会,子初一刻归。入上房一坐。丑初睡。

十二日 阴晴半

卯初醒,起坐片刻,复睡,腹胀身烧,久乃成寐。辰初二刻着衣起,茶食后,和衣复睡。巳正二刻起,至清臣室一谈,写册叶。饭后,步游市肆,申正归。至客厅与女儿谈片刻,至上房一坐。茶食后,写册叶,医士马克勒衣来诊珣女、钊儿,余因头痛,亦请开方。与清臣一谈。饭后,阅译署来电,编电致译署。盥濯后,清臣来久谈,写册叶。入上房久坐。子正睡。

十三日 雨,辰刻止,下午微见日

辰初二刻起,静坐良久。茶食后,剃头,看小说,写册叶。饭后,在上房一坐。清臣来久谈。编电分致译署、李相。内人来久坐。入上房一坐。茶食后,写册叶,子振来一谈,入上房一坐。饭后,至智卿室一谈,核缮件。盥濯后,写册叶。至清臣室谈极久,入上房久坐。子正睡。

十四日 阴,微雨

辰初二刻起,茶食后,写册叶,核阅从官所缮福州船政局聘请教习合约六分。至清臣室久谈,写册叶,饭后复写片刻,调洋墨,清检案头。申正,所代聘赴福州教习赖格罗、李家孜二人来画押于合约,良久乃毕。入上房一坐,茶食后,写册叶,自十一至本日,所写册叶为楷书《急就章》一通,三十二幅。饭后,讲小说甚久,阅文报局寄来函牒、《申报》极久,入上房久坐。子正睡。

十五日 晴阴半

巳初起,茶食后,清捡时宪书、月分牌之属。跋所书《急就章》后,百四十餘字,亦以楷书缮之,写零字。饭后,查译署来电,偕霭堂

游万生苑极久。出苑后，步行行李乾兹园林中，旋乘车归，已酉初二刻矣。在上房久坐，茶食后，写册叶。饭后，讲小说。盥濯后，写册叶，连薄暮所写共行书十幅，增于癸未冬间所写篆、隶、真、行之后，合五十幅以成一册。入上房久坐，子正睡。

十六日 晴阴半

已初起，茶食后，写册叶，清臣来久谈。饭后，在上房久坐，写册叶，陪医士马克勒衣诊视锡儿，至清臣室一谈，写册叶，入上房一坐。茶食后，核公文三件，写册叶。清臣来久谈。饭后，讲小说。盥濯后，写册叶，入上房久坐。子正二刻睡。

十七日 阴雨

已初起，茶食后，写册叶，连昨日所写共三十四幅，行草《急就章》一通也，连前楷书作为第十七分。查香涛来电，至清臣室一谈，将所写册叶清捡次第。饭后，看小说，将册叶数目以西字码号批之，以便装订。加写呈四叔父禀一纸，入上房一坐。茶食后，演牙牌数极久，至智卿、商农室一坐，看小说，核函稿一件，看小说。饭后，讲小说。盥濯后，看小说，加写呈九叔父禀一纸，略长。入上房久坐，子正睡。

十八日 晴，夜雨

已初起，查李相来电。茶食后，翻阅《书画谱》，写零字，至清臣室一谈，入上房久坐。饭后，核公文一件，步游市肆。归，写零字，看小说。霭堂来一谈。入上房一坐。茶食后，演牙牌数，写零字，核公文一件，看小说。饭后，讲小说，至智卿室一坐。盥濯后，翻阅类书，写零字，入上房久坐。子正二刻睡。

十九日 朝夕雨，日中晴

辰正起，茶食后，写零字，看小说，清臣来久谈。核公文二件，陪

医士马克勒〔衣〕诊钐儿。饭后,在上房一坐,步游市肆,至一处,有一人狎四豹者,肥妇人臂三尺围者,矮人二尺者,高人七尺者,人无腕,以头与臂锯木及作字者,人无臂,以足缝纫及作字者,人无腰以下者。观良久乃归,已申正矣。至上房久坐,茶食后,洗笔极久,写零字,清臣来谈极久。饭后,至智卿、湘浦室各一谈。盥濯后写零字,看小说,入上房久坐。子正睡。

二十日 阴,微雨

辰正二刻起,体中不适。茶食后,栉沐,静坐良久,入上房一坐,和衣睡,成寐。饭后,内人来一谈,清臣来久谈。入上房一坐,复睡良久。茶食后,静坐极久。呕吐后,入上房一坐,围炉静坐。内人来久谈,入上房一坐。亥初,啖粥少许。亥正睡。

廿一日 阴,雾

辰正起,茶食后,静坐,看小说,阅《会典》中輿地图。清臣来久谈,编电致译署。饭后,医士马克勒衣来诊余及钐儿,陪谈片刻,静坐良久,入上房一坐。茶食后,写零字,看小说。饭后,至女儿室一坐,至智卿室一坐。盥濯后,写册叶,入上房一坐。子正睡。

廿二日 阴,黄雾甚浓

辰初起,如厕,旋和衣复睡。已初二刻起,茶食后,写册叶,静坐良久。清臣来久谈,入上房一坐。饭后,写册叶,入上房一坐,小睡片刻。茶食后,写册叶,静坐片刻,入上房久坐。饭后,至女儿室一坐,写册叶第十八分毕,楷书录后魏江式《论书表》也。入上房久坐。子正睡。

廿三日 晴阴半

辰正二刻起,茶食后,静坐,看小说,写册叶。清臣来一谈。入上房一坐。饭后,汇丰银行总办马克蕾音暨其驻华之副手勘墨楞来

一谈。步游市肆。归，静坐片刻，写册叶，入上房一坐。茶食后，加写一函寄侄儿广钧，误字太多，另缮一过。饭后，至智卿室一谈，盥漱、濯足，陪医士马克勒衣诊盥、钗两儿，阅上海寄来函牍、《申报》极久，入上房一坐。子正二刻睡。

廿四日 阴

辰初二刻起，茶食后，静坐良久，写册叶。清臣来一谈，入上房一坐。饭后，步游市肆，乘车而归，静坐片刻。法国果罗瓦新报主人喀马偕户部司员李郭当来谒，一谈。入上房一坐。茶食后，静坐甚久，写册叶，清臣来一谈。饭后，至商农室一谈。盥濯后，洗笔清笔良久，写册叶。入上房久坐。子正睡。

廿五日 阴

辰正起，茶食后，看小说，写册叶。清臣来久谈，饭后步游市肆极久。归，至上房一坐，茶食后复坐良久。写册叶第十九分毕，楷书司空图《诗品》也。饭后，写册叶，盥濯后，复写数幅，看小说，入上房久坐。子正睡。

廿六日 晴阴半

辰初二刻起，茶食后，写册叶，看小说，清臣来一谈，加写致郭慕徐函数行。饭后，更公服，未正二刻，偕清臣赴柏京邸宫朝眷会，申正归。写册叶第廿分毕，行草，黄左田尚书《廿四画品》也。入上房久坐。茶食后，复清捡所写册叶，量纸良久，入上房一坐。饭后，至智卿、湘浦室各一谈，入上房一坐。盥濯后，画格良久，清捡案头，入上房久坐。子正睡。

廿七日 晴阴半

已初起，茶食后，翻阅《文选》、《淮南子》，栉沐甚久，静坐片刻，洗笔。清臣来一谈，入上房一坐。饭后，围棋一局，日意格来谈甚

久。核函稿二件，入上房一坐。茶食后，偕内人至客厅，陪医士马克勒衣、维廉格尔诊视锡儿。上年六月初十，马医因用药不甚见效，邀维廉来，一质其疑，本日复邀之也。至清臣室一谈，入上房一坐。饭后，至智卿室一谈。盥濯后，画格一幅，写零字良久，入上房久坐。子正睡。

廿八日 晴阴半

已初起，茶食后，静坐良久，看小说。午初，偕清臣赴伦敦城主处，观议戈登建坊之事，午正二刻归。饭后更衣。未初二刻，偕清臣赴金司宫朝绅会，申初先归。阅文报局寄来函牍良久，入上房一坐。茶食后，看小说，日意格来谈极久，入上房一坐，翻阅类书。饭后，查李相来电。盥濯后，内人来一谈，核谢暂留半年恩摺稿。清臣来久谈。编电致译署，入上房久坐。子正睡。

廿九日 阴，黄雾，未时微见日影

辰初二刻起，茶食后，写屏二幅，为径尺篆书。雾暗不能书，静坐甚久，看小说。因子振室失金钱百贰十磅，督仆从登楼搜查不得。饭后，查译署来电，写屏二幅。内人来一谈，日意格来谈甚久。写屏三幅，入上房一坐。茶食后，写屏一幅，看小说，阅潘文恭谢摺钞。饭后，阅昔尔班福来明大店物图价册，看小说，阅《斯文精萃》所选诸赋，入上房久坐。子正睡。

三十日 阴

已初起，茶食后，静坐甚久，看小说，查香涛来电，至清臣室一谈，编电致香涛，写楹联二副。饭后在上房一坐。申初，偕智卿至炮街铁柜店购钱橱，议价甚久，申正一刻归。入上房一坐。茶食后，清臣来一谈，看小说。饭后，至智卿、商农室各一谈。盥濯后，集六言对数副。清捡案头，入上房久坐。子正睡。

二 月

二月初一日 阴

辰正起,体中不适,屡睡屡起,屡次欧吐。除查译署及香涛电报及清臣来谈二次外,未治他事。未刻以前,饮食如时,下午不如时。子初睡。

初二日 阴,微雨

卯正二刻即起,茶食后,偃息良久,看小说,清臣来一谈,观店中人安置铁橱,入上房一坐。饭后,静坐良久,更衣。未正二刻,偕内人率次女赴柏京邸宫朝眷会,酉初归。茶食后,小睡,成寐。饭后,在上房久坐。盥濯后,核公文、函稿各一件,入上房久坐。子正一刻睡。

初三日 晴

辰初二刻起,查译署来电。茶食后,作一联挽黎莼斋之母吴太夫人。清臣来久谈,入上房一坐。饭后写挽联云:“克承夫志,以义方教子成名,地道代有终也;正叹才难,而贤士闻丧去职,天心未厌乱乎?”又写祭幛四字:“华裔荣哀。”并写幛款。入上房坐极久。茶食后,商农签言挽联末句伤时,拟另作一首,良久未成。饭后,构思良久,盥濯后,复作良久乃成。入上房久坐,写一谕单,谕从官论子振室失钱之事,极长。子正睡。

初四日 阴晴半

巳初起,茶食后,看小说,剃头。写改作挽黎太夫人联云:“仙輿发轫,八月十三忌辰,省讣触悲怀,适与先慈同日逝;哲嗣张旌,重洋四五大国,匡时资伟略,忽闻肤使戴星归。”清臣来久谈,入上房久

坐。饭后，医士马克勒衣、维廉格尔来诊奎儿、钊儿，陪谈良久。马克勒衣来诊余，一谈。写外部尚书葛兰斐尔夫人册叶一副，语云：“户枢不蠹，流水不腐。”“克勤有功，自强弗窳。”译为英文诗四句，以英字缮之，又写汉、英文年月款识，良久乃毕。清捡案头，入上房一坐，小睡成寐。茶食后，清捡钥匙，题识而收藏之，入上房一坐。饭后，围棋一局。盥濯后，画格良久，入上房坐极久。子正睡。是日为先祖考、先考忌日。

初五日 阴晴半，夜雪

辰初二刻起，茶食后，看小说。体中疲倦，静坐良久。清臣来一谈，入上房一坐。饭后静坐良久，入上房一坐，小睡成寐。茶食后，至客厅听女儿奏乐。医士马克勒衣来诊余，一谈，整存墨笔良久。饭后，在女儿室久坐。盥濯后，看小说，入上房久坐。子正睡。

初六日 雪，已刻止，阴

已初起，茶食后，看小说，体中不适，静坐未治事，抚视钊儿。清臣来一谈。饭后在女儿室一坐，抚视钊儿，看小说，小睡成寐，申正二刻起。茶食后，看小说，医士马克勒衣来诊余，一谈。看小说，写零字。饭后，至智卿室一谈。盥濯后，看小说良久，弹琵琶，入上房久坐。子正睡。

初七日 阴

辰正二刻起，体中不适，头昏神倦。饮食如常日而未治事，除午初、未正清臣来谈二次，酉正医士马克勒衣来诊钊儿，陪之一谈外，余时惟静坐及偶看小说而已。夜饭后，头痛稍瘳。盥濯后，清臣来久谈，折眼镜盒，阅账簿，入上房久坐。子正睡。

初八日 阴

辰正二刻起，茶食后，看小说，写册叶，静坐良久。清臣来一谈。

阅文报局寄来函牒、《申报》。饭后，步游市肆。归，阅《申报》中邸钞，核公文二件。清臣来一谈。入上房一坐。茶食后，头痛复剧，小睡成寐，戌初起。饭后，在上房一坐。盥濯后，看小说，入上房久坐。子正睡。

初九日 阴

辰正起，茶食后，静坐良久，入上房一坐，携铎儿来书室，抚视良久。内人来一谈。饭后，围棋一局，核函稿三件，静坐良久，入上房一坐。医士马克勒衣来诊余，一谈。茶食后，在上房久坐，核阅报销底稿，入上房一坐。饭后，至智卿、商农室各一谈。盥濯后，看小说，入上房久坐。子正睡。

初十日 阴，酉后雨

辰正起，茶食后，静坐，看小说，入上房一坐，携铎儿来书室，抚视良久，入上房一坐。清臣来谈极久。饭后，围棋一局，看小说，静坐良久。医士马克勒衣邀医士罗伦士来诊铎儿，谈甚久。清臣来谈极久，入上房一坐。茶食后，加写致王芎棠函数行，致凌问樵函一纸，看小说，入上房一坐。饭后，至智卿、湘浦室各一谈。盥濯后，入上房久坐。子正睡。

十一日 晴

辰正起，茶食后，栉沐，看小说，抚视铎儿甚久。清臣来一谈。饭后，英前御前大臣阿尔福礼巴结特[*Lord Alfred Paget*]暨其友攀多曼戏场管班哈力士[*Mr. Augusters Harris*]来，谈极久，入上房久坐。申正三刻，医士马克勒衣来诊余暨铎儿，久谈。茶食后，核谢暂留半年恩摺稿，入上房一坐，饭后复一坐。盥濯后，湘浦来一谈，入上房久坐。子正睡。

十二日 阴晴半，下午微雾

辰正起，茶食后，看小说，抚视铎儿。试存墨笔，写零字。清臣

来谈极久。饭后在上房一坐，加写致邵小村函，未毕。至客厅，率女儿陪安卜勒太太一谈。写函毕，听女儿弹琴。内人携铨儿来书室，坐极久。饭后至商农、听帆室各一谈。盥濯后，阅西字函，入上房久坐，至听帆室，与清臣一谈。子正睡。

十三日 晴阴半

辰正起，茶食后，看小说极久，抚视铨儿。饭后步行携铨儿至霭堂家久坐。归，在上房一坐，加写呈九叔父禀，甚长。医士马克勒衣、罗伦士同来诊视铨儿，陪谈良久。茶食后，在上房久坐，携铨儿来书室，抚视甚久，改缮呈九叔父之禀。饭后至智卿室一谈。盥濯后，写零字，入上房坐极久。子初二刻睡。已解衣而清臣来，报华兵克复凉山云。

十四日 阴晴半

辰正起，茶食后，看文报局寄来函牍，抚视铨儿，至清臣室谈极久，入上房久坐。饭后，携铨、铨两儿乘车游海德园林甚久。申正归，入上房一坐。茶食后，头痛，小睡。医士马克勒衣来诊铨儿，一谈。与清臣久谈。英外部接电，知法国政府诸人退矣，编电报译署。饭后，至湘浦、智卿、听帆室各一谈。盥濯后，核已缮摺片，至商农室一谈，编电寄译署，入上房久坐。子正睡。

十五日 晴阴半

辰初三刻起，茶食后，看小说，抚视铨儿。清臣来久谈。静坐假寐，入上房一坐。饭后偕内人率铨、铨两儿乘车游海德园林，申初归。入上房一坐，看小说，复入上房。茶食后，头痛，静坐，抚视铨儿。清臣来一谈。饭后，至智卿室一谈。盥濯后，核函稿，阅清泉王芍棠《椒生随笔》，入上房久坐。子正睡。

十六日 晴，夜微雨

辰正起，茶食后，看小说，静坐良久，抚视铨儿。清臣来久谈。

饭后围棋一局。医士马克勒衣来诊余及铎儿，一谈。步游市肆，申正归。入上房一坐。茶食后，查译署来电，看小说，编电致译署。饭后，至智卿、湘浦、听帆室各一谈。盥濯后，加写呈九叔父禀及致邵小村函，同用一稿，看小说。清臣来久谈，入上房久坐。子正睡，不能成寐，心跳脉速，烦躁多汗，眩晕如魔，盖胃病也。

十七日 晴

丑正二刻，医士马克勒衣来诊，寅初睡，成寐，辰正二刻起。茶食后，拜发谢恩摺，查张香涛、杨石泉来电。医士马克勒衣来诊，一谈。抚视铎儿，清臣来一谈。看小说，入上房一坐。饭后，携铎儿来书室，内人、女儿亦来坐。看小说，入上房一坐。茶食后，医士马克勒衣来，一谈。携铎儿来书室，抚视良久。饭后澡身，写零字，入上房久坐。子正睡。

十八日 晴

辰正二刻起，茶食后，看小说，剃头，静坐良久。饭后，费嘎罗新报馆访事人费叶来久谈。看小说，医士马克勒衣来诊余，一谈，清臣来谈极久。入上房一坐，茶食后，看小说，调瑟弦。饭后，至智卿室一谈。盥濯后，看小说甚久，入上房久坐。子正睡。

十九日 晴

辰正二刻起，茶食后，看小说，抚视铎儿，清臣来久谈。编电致译署，查译署来电。饭后，复编电致译署。清臣来一谈。看小说，入上房一坐。茶食后，至智卿室一谈，看小说。饭后，至湘浦室久谈，闽厂学生李鼎新同坐。盥濯后，阅俄署报销册，入上房久坐，围棋一局。子初二刻睡。

二十日 晴

辰正起，茶食后，看小说极久。饭后围棋一局。医士马克勒衣